



武備志

皮載 占
四十八之百五十一

ケ 5
61
52



武備志卷一百四十八

方風茅元儀輯

占度載

茅子曰語有之為將者上知天下知地中知人今
曰兵訣曰戰畧曰陣練曰軍資皆人也故作占度
載以盡天地之事夫天地者亦人而已矣

占
度

占一



武備志卷一百四十八 占度載 占天

茅子曰占豈易言哉日月星辰五行雲物天之象也太乙奇門六壬諸家天之理也因象以察天據理以質天天順而道資之故曰為將者不可不知天文非知天之急也知乎天則先天而天不違天不違則安往而不伸哉故曰王者有征無戰我於占三致意焉然天官之言占術之說其書各充棟我擇其言兵者而已風雨水旱疾疫火災兵所慮也故并載之首以天統其大也次以日次以月次以星次以雲氣次以風雨次以風次以蒙霧次以

虹霓次以霞次以雷電次以雨雹次以霜露次以冰雪次以五行是為天官首以大乙窮其宗也次以奇門次以六壬次以雜占次以選擇而厭禳則附之是為占驗下甲之術奉玄女役天神雲可吸風可集雷可轟雨可沛吾少也賤故於茲久瀛焉然惟而不可傳也君子察其微使天之不我違而已驅天而不違吾不敢也要其說出於奇門存其畧不言其詳

占天

占天 二

占日

占月

占星

占雲氣

占風雨

占風

占蒙霧

占虹蜺

占霞

占雷電

占雨雹

占霜露

占冰雪

占五行

太乙廟算

太乙陰陽遁局

奇門玄覽

奇門遁甲符應經纂

武備志卷一百一十八 占上兵

六壬直指

六壬軍帳賦

六壬兵帳鉤玄

六壬兵占

雜占

選擇

厭禳

占天

茅子曰天之體清而其色有異天之體靜而其鳴

裂為異天之雨常而其雨異物為異故曰色曰變
曰雨凡三等

天之色

天之變

天之雨

天之色

輕清上浮蒼茫成色此天之本象也若忽變色是
謂異常有咎
天高色白為臯

天色慘黃為風

天色慘白風聲悽切大兵起

天色慘白昏濛常為遊氣之蔽或久陰不雨主下有謀上或朋黨欺蔽君之明德不解其咎則為變

叛兵火

叛兵火

天色青碧陰氣連勝東夷兵起侵犯中國

天赤如血陰極亢陽火災兵起

天色慘白而淡為風雨一曰為喪為憂

頻頻天色忽變赤紅中外動兵

天色變黃旱荒盜起

天色變赤夷狄來侵

天色光忽變赤紅明君出世干戈永息

天氣白濛濛兵起境中

天氣低昏三日雨兆

天白久陰陰冒陽也陰謀兵災

天暴寒陰剗陽也國有陰謀野有兵變

天翳霾陰氣結滯潛謀作亂

天之變

占

天鼓鳴空中無雲氣忽然如鼓聲响名爲天鼓也
忽天地昏暗而中有聲如雷响過者乃天鳴也

天鳴有聲至尊憂且驚皆亂之所生也一日萬姓
勞形一日所鳴之方兵變疫生

天發哀鳴所鳴之方下有王者革位

天忽開裂陽不足也兵起其分

天門忽開陰氣冲破土地分圻中國更王

天分爲二王者分王又主君災

天開見光流血滂滂

天裂見人兵起國凶
天色變常地震連日國主重殃

天之雨

天雨物人所見地皆主大兵

天雨人是謂凶殃不出紀天卜易主

天雨禽獸是謂不祥不出三年其下兵起一日流

民凶有喪

天雨石墜地大可一尺或如雞子兩頭尖銳名曰

天鼓所下之邦必有大戰伏尸一日臣叛君危兵

武備志卷五 占候 占 吳

變國亂

天雨金名曰刑餘殘殺無辜不出一年有兵災

天雨錢其國大饑有兵亂

天雨水銀寇兵至

天雨金銀鐵花兵將興

天雨地生肉有形不成體不成色者名曰天傷其

國滅亡佞人祿功臣戮多冤獄

天雨黑多冤獄臣殘虐有陰謀

天雨赤水名曰天泣世平盜起流血屠城世亂有

出戡定者

天雨米陽違陰塞歲凶人災將相有難

天雨墜龍不祥之兆龍君之象也

天雨魚水失其性國有兵

天雨驚兵革起國亂不安

天雨血名曰天妖為淋尸水兵起血戰災疫盛行

天雨膏君淫兵敗民屠戮

天雨膏如蟲將帥敗

天雨膏陽氣消燥兵役盛興

占無成

占天

天雨黃塵天下大饑

天雨黃沙其下有義兵起

天雨墨臣下有陰謀一曰君無道奸臣得志不出
五年國亡

天雨如杵白其國饑

天雨荒國大饑

天雨戰不出三年兵起

天生兵械在雲中夷狄歸順

天雨系有兵

天雨絲綿天下有兵喪不出六年大亂

天雨績狀如麻絲脆若地毛大饑人流有積骸

天雨布帛兵喪並起人流無所

天雨毛金失其性動干戈役土木

天雨五穀木失其性歲凶民饑兵革亂起

天雨花木失其性驕淫風熾歲饑民貧將亂之兆

天雨草火失其性旱兵起民饑

天雨金火失其性歲凶兵亂得金者興

天雨灰上失其性君暴臣叛兵起

星

日之形

日之蝕

日之暈

日之變

日之色

日之氣

日之星

日之形

周禮眡祲氏掌十輝之法以觀妖祥辨吉凶一曰
 侵謂陰陽五色之氣侵淫相侵或曰抱珥背瑠之
 屬如虹而短是也二曰象謂雲如氣成形象雲如
 赤烏夾日以飛之類是也又曰赤雲挾日以行曰
 象奸臣挾君亂國三曰鑄日旁氣刺日形如童子
 所佩之鐻也四曰監謂雲氣臨在日上也五曰闇
 謂日月蝕或日光暗也六曰薄謂薄薄不光明也
 七曰彌謂白虹彌天而貫日也八曰序謂氣若山
 而在日上或曰冠珥背瑠重疊次序在於日旁也

九曰濟謂暈氣也或曰虹也詩所謂朝濟於西者
也十曰想謂氣五色有形想也青饑赤兵白喪黑
憂黃熟或曰想思也赤氣爲人獸之狀可思而知
其吉凶又曰日旁氣曰背形如背字也日之將蝕
先有黑變曰適形如玉璫曰璫又作鑄亦曰穴氣
向日曰抱形點黑曰珥氣在日上爲冠爲戴在旁
直對爲珥如半環向日爲抱向外爲背有氣刺曰
爲鏞鏞扶傷也

日戴者形如直狀其上微起在日上爲戴戴者德
也國有喜也一云立日上爲戴純赤爲兵
青赤氣抱在日上小者爲冠國有喜事純赤爲兵
日上有冠三直日下有直虹不出一年天下有小
兵不安

日上有冠日有纓擊捧日者有喜慶

青赤氣小而交於已下爲纓四夷重譯主納降
青赤氣圍日上下爲序主奸邪欺蔽共爲謀逆
青赤氣小而圓一二在日下左右者爲紐三曰青
赤氣散垂日下爲紐人君德澤施及天下三曰外

國來歸

日赤氣如_二下_一半暈狀在_二日上_一為負負者為得地喜
 青赤氣長而斜倚日傍為戰近侍謀逆刑及貴人
 又曰天子兵舉戰見不散天子之兵勝一曰兵起
 青赤氣圓而小在_二日左右_一為珥一曰黃赤炫爍為
 珥平時主風雨不雨國有外亂黃白者有喜又曰
 珥多非喜在_二日西_一西軍勝東南北知之無軍而珥
 為拜將
 日有佩珥者主兵亂應指處分野見應

日生珥四面色暈紅黃如電主_二一年_一內兵起國亂
 日為主將珥轉為兵外是客也
 日朝有珥純白為喪間赤為兵間黃為喜
 日夕有珥赤黑白有_二大客有_一大軍在外而珥為喜
 軍欲和解
 日有_二一珥_一為喜兩軍相當軍有和解所臨者喜
 日有_二一珥_一貫者主臣謀君兵起於秦地二年大凶
 日有_二一珥_一一星左右相守者主_二七十日_一臣謀主_二三
 年絕人民大凶惡之兆

日生兩珥有氣如人立日邊主兵起大亂主有陰謀作亂之事無氣占同

日左有兩珥外國來寇一日胡人欲謀為主

日東西有兩珥白氣貫者天下大亂國失忠臣

日上有三珥諸侯謀亂兵起三年方定一日青黃

白色大臣叛逆

日左有三珥臣謀君位

日上生三珥左右兩星相去主兄弟謀君相殺

日下生三珥君被四方將謀位刀兵亂起五年方

定

日下二珥更有三星宜北斗下立寨必勝

日出四珥將軍亡

日入四珥有大兵

日生四珥有一星守之千里人絕

日朝五珥國憂兵起

日有六珥不出六十日其分有喪若有赤雲掩日

其下國凶

日左右有六珥者二十日內兵起秦地三年方定

占日占度載占占日

日左右珥大風起

日右珥人臣亂政二日色赤黑夷人起兵邊邑有叛者

日有交珥聚三方衆兵皆起軍在外者罷

多珥臨日有雨有客來言北方事

青赤氣圍抱日旁爲抱又日旁如半環向日爲抱

國有喜三日日月有抱他國來降兩軍相當得抱

者勝兩抱齊等先衰者敗

日抱黃白潤澤內赤外青天子有喜有和親來降

者軍不戰敵降軍罷色青將喜赤將兵爭白將有喪黑將死

日四方各有抱四方信附

日一抱一背爲破走抱者順氣也背者逆氣也兩

軍相當順抱擊逆者勝故曰破走

日旁有黑抱戰勝無軍有欲和親者

日抱且戴有喜圍在中中勝在外外勝青外赤中

以和相去赤外青中以惡相去

日抱且背且璠順逆相參抱多則順者多背璠多

則逆者多抱明而久背璫不明而先滅則順勝

日抱且兩珥一虹貫抱抱至日順虹擊者勝

日抱兩珥且璫二虹貫抱至日順虹擊者勝凡虹

貫抱皆為大戰流血

日重抱左右二珥有白虹貫抱順抱擊勝得二將

有二虹得三將

日重抱內有璫順抱擊者勝亦曰軍內有欲反者

日重抱且背順抱擊者勝得地若有罷師

日重抱抱內外有璫兩珥順抱擊者勝破軍軍中

不和不相信

日重抱大破凶抱為和背為不和為分離相去

日抱三重有兩方珥色皆黃白潤澤天子戰勝外

兵敗者來降珥方者兵也抱珥順珥為喜

青赤氣如月初生背日者為背又赤黃氣如新月

背日者為背奸邪謀逆自負綱常又曰背氣赤

而曲外向為叛象分為反城

日上有背其野失地有叛臣叛兵邊將欲去善防

之背多者叛多也四方有背四方叛

日下有背主五十日內節度使兵亂天下五年左
定兩軍相當背所在之方敗

日有背璫在日南及其三方國有反臣一日背璫
并出顛倒相貫下作禍天子滅

日有背璫四直交其中臣欲為邪色中青外赤有
芒刺為逸中赤外青無芒刺為謀此氣數見則國
危芒刺向外外勝向內內勝

日有二背一直大臣欲自立

日有四背璫臣射主又曰國內亂兵起

璫者如帶璫在日四方一日五采炫爍日旁為璫

國有喜慶野有風雨兩軍相當所臨者敗一日有

反者一日臣謀叛萬人死其下四璫五璫反者如

璫之數

青赤氣長而立日旁為直一日雜氣如川字倚日

為直兵亂國土分析

日旁有一直敵在日旁欲自立四旁有直四方有

欲自立者從直所擊者勝

日旁有二直三抱欲自立者不成順抱者勝殺將

日有黃直君立臣青赤直臣自立

日直中赤外青自立者不成黃白潤澤者成

青赤氣狀如兩直相交在日上下左右曰交交淫

停之氣主有淫行日旁有交赤雲其下有兵

日兩旁有兩氣相交或相貫穿或相向背皆為天

下大兵起亦為內亂軍不和一曰日旁有交從交

所擊者勝

諸氣生如口字在下邊曰日口一上二口奸邪害君

三四五口王侯謀立

果氣如矢射日曰日箭奸邪謀逆

青赤氣如人頭懸日中日日墜奸邪專權謀害其

君

氣形三抱在日四方為提不出期年兵起王者死

亦為凶地一曰青赤氣如三角形擊於日上為提

臣提挾君君受臣制

日有四提不出其年有大兵太饑天雨則災不成

日有六提天下亂人主惡之

青赤氣橫在日上下為格臣格君非國有賢臣扶

植政法，一曰格者格鬪之象其占為有兵戰
氣如半暈在日下為承承者臣承君也又曰日下
有黃氣三重名曰承福人主有吉喜且得地
青白氣如履在日下者為履，二曰赤黑氣如履天
子有害外國來歸又曰氣雙垂日下為履兵喪為
災，君主出走

日之蝕

日月虧毀曰蝕其蝕蝕所不利復生生所利不然
蝕盡為主位以其值及百所躔加日時用名其國

同姓上侵茲謂誣君厥蝕四方有雲中央無雲其
日大寒

公欲弱主位茲謂不知厥蝕中白青四方赤已蝕
地震

諸侯相侵茲謂不承厥蝕三敗三復

君疾善下謀上茲謂亂厥蝕既先雨雹殺走獸

弑君獲征茲謂逆厥蝕既先風雨折木日赤

內臣外向茲謂背厥蝕蝕且雨地中鳴

冢宰專征茲謂因厥蝕先大風蝕時日居雲中四

方山雲

伯正越職茲謂分威厥蝕日中分

諸侯爭美於上茲謂泰厥蝕日傷月食半天營而鳴

賦不得茲謂竭厥蝕星隨而下

受命之臣專政謂試厥蝕雖侵光猶明若文主臣獨誅紂矣

小人順受命者征其君謂殺厥蝕五色至大寒隕霜若紂臣順武主而誅紂矣

諸侯更制茲謂叛厥蝕二復三蝕蝕已而風地動

日四時以王日蝕人主凶以相日蝕國相死以凶

死且蝕臣凌君以祿廢日蝕民多疾疫

春蝕有女喪二日年太凶有大喪女主凶

夏蝕諸侯多死二日無年

秋蝕有兵二日有兵戰主死

冬蝕相死二日多死喪

正月日蝕大臣死不死則黜二日大臣走二日人

多病二日五穀貴齊大凶二日內兵起人流

武備志卷一百一十五 占度載 占日一

二月日蝕人主災大人死亦為太旱一日人多死
一曰豆貴牛死魯太凶

三月日蝕一曰有反者一曰水大出一曰楚太凶
一曰有旱饑

四月日蝕人主有過臣有憂一曰天下大旱一曰
牛無食六畜死宋太凶一曰大臣憂一曰旱疫

五月日蝕諸侯多死一曰大旱人饑一曰牛死六
畜貴梁太凶一曰兵起東北

六月日蝕人主有謀其下國分土一曰外國侵其

分失土一曰五穀貴沛太凶一曰大臣死

七月日蝕有反者從內起一曰歲惡秦國惡之一

日陳太凶一曰兵大起民流凶一曰大水壞城郭

八月日蝕天下更始期三年一曰兵大起一曰兵

甲貴鄭太凶一曰兵饑

九月日蝕外人欲自立不成一曰鹽貴韓太凶一

日饑疫

十月日蝕姦臣在朝二人親一人遠陵君君走一

日六畜貴一曰鹽貴秦太凶一曰冬旱

十一月日蝕王者凶地臣子為逆
 一曰魚鹽貴
 一曰燕大凶
 一曰五穀貴牛死
 一曰人畜俱疫
 十二月日蝕其下有兵
 一曰大臣欲自立不成
 夫
 人謀君
 一曰穀貴牛死
 一曰薄食趙太凶
 一曰水
 災夏麥不收
 甲子日日蝕北夷有謀不則大水在東方
 一曰夷
 狄兵起
 乙丑日日蝕諸侯之臣欲殺其君在西北兵行不
 勝後有小兵五穀重傷
 一曰大旱

丙寅日日蝕司徒欲謀其君有小旱在東南
 一曰
 有旱蝗
 丁卯日日蝕諸侯欲謀其君有小旱在東南
 一曰
 有旱蝗又日在此方有蝗
 一曰兵
 戊辰日日蝕有同姓近臣欲謀其君有地動在東
 南
 己巳日日蝕婚家謀君諸侯起兵在西南
 一曰火
 災
 庚午日日蝕司徒謀君有大旱在南方
 一曰有兵

占度載 占 占日

起

辛未日日蝕司徒欲謀君有虫在東方一日水潦
壬申日日蝕諸侯相殺在東北後有小兵寇盜並
行

癸酉日日蝕上強天下謀君不出其年大兵行始
於西方一日淫雨數降

甲戌日日蝕近臣謀君事覺而戮有小旱在西南
方一日草木不滋王命不行

乙亥日日蝕子欲為逆而身受戮有陰雨天下亂

一曰冬無冰東國發兵

丙子日日蝕諸侯相殺兵行在東方後有大水一
日夏霜為災

丁丑日日蝕諸侯近臣謀其君在西北方後有小
兵一日三公有憂

戊寅日日蝕異姓近臣謀君歲旱土沸一日多木
風

己卯日日蝕東夷謀殺其君有虫一日有客
庚辰日日蝕君易賢以剛卒以自傷後有冰在東

北一曰有兵旱

辛巳日日蝕諸侯外親謀其君兵行在西北一曰後宮有謀

壬午日日蝕三公與諸侯相賊弱其君主三公失國後有旱且水一曰久雨

癸未日日蝕諸侯上侵下臣謀其君在東有小虫一曰仁義不行

甲申日日蝕司徒謀逆有小雨在晉一曰四月雨

乙酉日日蝕君弱臣強司馬將兵反征其王一曰賢人遠退

丙戌日日蝕同姓近臣不臣後有太旱火從天墜一曰訟多寃者

丁亥日日蝕君臣無別司馬牧民司徒將兵有虫在西北方一曰有匿謀害

戊子日日蝕妻欲害夫九族夷滅後有大水在東方一曰宮中有憂

己丑日日蝕婚家有謀有小兵在西方一曰小民

武備志卷一百四十九 占渡載 占 占日

憂

庚寅日日蝕有謀友者敗戮有小旱在東南方一日將相灾骨肉相賊且有水

辛卯日日蝕天子微弱諸侯謀君反受其殃有虫在東方一日臣伐主

壬辰日日蝕諸侯謀逆後有大水在東方一日河水决

癸巳日日蝕諸侯相伐一日權不一
甲午日日蝕南夷君殺後有大旱一日虫大

乙未日日蝕君責眾庶暴虐民背叛有地動

丙申日日蝕君暴亡臣橫恣上下相賊有大水一日諸侯叛亂夷狄内侵歲旱

丁酉日日蝕諸侯之臣謀其君事敗後有大兵起西北方一日侯主侵

戊戌日日蝕婚家謀逆有旱馬騷運一日后妃憂

巳亥日日蝕主弱小人持政
庚子日日蝕庶子謀嫡不成後有大水一日天子疑王侯侵

占獲職占占日

辛丑日日蝕賢人離小人盛人主危一日君疑臣
三公有免黜者

壬寅日日蝕諸侯謀逆以凶其國有小旱在東南
一日大臣恣天下苦兵

癸卯日日蝕諸侯不順天子有國凶有虫一日外
國伐王

甲辰日日蝕王后爵命絕有水
乙巳日日蝕諸侯上侵以自益近臣盜竊以為積

人主不知一日東國起兵

丙午日日蝕親戚爭嗣同姓有謀大旱在南方

日民多流亡

丁未日日蝕司徒不道執政有謀有虫有地震一
日王者憂

戊申日日蝕臣謀君後有小水一日地動諸侯爭
巳酉日日蝕西夷有殺君之大兵西行

庚戌日日蝕司馬之臣謀逆有小旱一日臣下相
爭

辛亥日日蝕有虫害司馬之臣謀逆自敗一日近

臣憂

壬子日日蝕同姓諸侯任政者不臣 一曰女主憂
後宮有謀

癸丑日日蝕寇盜行兵君主不明亦曰水潦為敗
甲寅日日蝕同姓大臣有謀有旱 一曰親戚叛

乙卯日日蝕權臣專政不出二年謀有虫 一曰雷
不行霜不殺奸人人君室

丙辰日日蝕帝命之極武主乃得一曰山水大出
丁巳日日蝕天乃去惡依聖人有小兵其下有聚

兵

戊午日日蝕婚家執政賊有妻招後有大旱

己未日日蝕臣不安居羣陰謀侵其地大動 一曰
其主失土

庚申日日蝕骨肉相殘有冰 一曰夷狄內侵
辛酉日日蝕昆弟相殺更有國家兵三年不息 一

曰奸邪欲起妃謀生
壬戌日日蝕諸侯謀叛在西南 一曰小人用事
癸亥日日蝕天命聖人更起有大雨 一曰王者憂

之

武備志卷一百四十九

武備志卷一百五十

防風茅元儀輯

占度載

占三

占日二

日之暈

凡占兩軍相當必謹審日之暈氣知其所起雷止
遠近應與不應疾遲大小厚薄長短抱背為多少
有無實虛久亟密疎澤枯相應等者勢等近勝遠

武備志卷一百五十

占度載

占日二

武備志卷之五十一
疾勝遲大勝小厚勝薄長勝短抱勝背多勝少有
勝無實勝虛久勝亟密勝疎澤勝枯重背大破重
抱爲和親抱多親者益多背爲不和分離相去背
於內者離其內背於外者離於外赤內青外以和
相去青內赤外以惡相去氣暈先至而後去居軍
勝先至先去前後有利後有病後至後去前病後利
後至先去前後皆病居軍不勝見而去其後發疾
雖勝功見半日以上功大曰虹屈短上下銳者
其下大流血日暈制勝近期三十日遠期六十日

日有暈主大兵三日內風雨解之吉無則凶
日暈有兵在外者主人不勝
正月日暈春不可起兵
日有朝夕暈是謂失地主人必敗
日始出而暈其國有死君
日暈甲乙憂丙丁臣不順戊己后族盛庚辛將帥
不利壬癸臣專政
日暈不常出軍在外天子失御民多叛
日暈七日謀逆立見一日日暈七日無風雨兵大

武備志卷之五十一
占度職占占旦

作不起衆大敗不及

日暈而明兵在外者客勝一日有兵兵止無兵兵

起不戰

日暈不明天下有兵兵罷無兵兵起不戰

日暈明久內赤外青外人勝內青外赤內人勝內

黃外青黑內人勝外黃內青黑外人勝外白內青

外人勝內白外青內人勝內黃外青外人勝內青

外黃內人勝

日暈內赤外青羣臣親外一日夷狄侵逼中原外

赤內青羣臣親內內其身外其心

日暈外赤內青此營軍之象見此對敵之上必戰

日暈五色有喜一日國生賢嗣信任賢良不得五

色有憂

日暈有五色氣相間闐敵速攻之全勝

日有黃白暈不闐兵未解青黑和解分地色黃土

功動人不安色黑有冰陰國勝

日暈青赤主一二日大風

日暈青色蝗生穀傷人多疾疫

日青暈一重國有喜事五穀大熟一重天下大殺
其下有兵穀貴四重不出三月米貴十倍大兵起
五重天下大水魚行人道大臣反逆七重十處皆
反一曰喜暈再重不出六十日兵起一曰外戚親
族內亂王者憂凶地

日暈赤色火旱興災兵起血戰君憂大臣讒譖
日有赤暈其日有大風雨雷震殺人畜且有太熱
道無人行一重國內有災兵起再重所見之國有
蝗虫一曰旱穀貴盜起二重暈繞日四境相遭譴

三日正南下七百里皆瘴疫七日天下人民疫死
三分又曰蝗蟲生三年外太旱三重兵大起一曰
大旱千里四五重不出期年天下兵起大饑人主

憂

日暈白色國有兵喪憂悔不寧

日白暈一重當日風雨二重其月多風雨一曰有
兵穀貴二重大兵起天下大水

日暈黑色雨水為災蠻夷作亂一曰災在用事之
臣

日黑暈一重天下兵起五穀不成一重天下大亂
大臣反逆一曰不出三年其下大水民流移徙三
重水流中央民食野草一曰一年二日二年一曰
如有夏霜冬雷其下國大敗
日暈黃色有兵兵勝

日暈通黃名曰毒氣人民疾病二重歲中兵起三
重天下有喜國內豐稔又曰人主得地之象
日暈紫紅主兵利客兵敗
日紫暈一重大旱又云主外國進異寶四海賓服

人民和悅

日暈左邊紫色攻戰勝宜防守管寨右邊宜收兵
準備勿攻戰戰則大敗

日暈如雲紅攻城不拔大敗也宜謹防固守之

日綠暈三重三日一百二十里連雨不絕魚行人
道

日碧暈二重朝盡賢臣助有道之君又謂來年五
穀半傷

日暈生光有青有黃主將大勝賊變殃

日暈光芒四出者我軍得勝

日重變暈天下豪傑有自立者

日暈二重主七日大風雨三日其外清內濁不散

軍會聚殺傷三日歲凶人將相食

日重暈有德者昌天下有立王三日攻城圍邑不

叛一日圍賊必至宜急避之

日暈三重軍分為二二日有叛城三日主百日內

東方將有外兵來人民饑荒天下大亂又曰百日

內臣亂國有災刀兵起天下憂期二年或曰有大

兵伐城期二日

日暈三重三色主隣國寇盜併起天下饑荒

日暈四重敗於野其下有叛臣一日海兵作亂百

物消耗一日攻城圍邑不叛

日暈五重是謂氣光天下有兵一日有德者昌無

德者凶一日社稷破凶期二年一日青黃暈五重

有國者受其祥天下有兵破凶其地

日暈六重其下國夫政憂兵災

日暈七重夷狄侵擾

日暈八重民亂君憂

日暈九重歲荒夷人交侵一日天下凶

日暈十重天下喪亂不出期年大凶各以星宿次

舍及日辰占之

日暈四重至平重主二百日內兵起民有災

日交暈無厚薄交爭力勢均厚者勝

日暈上下重交者必有兵來居上者勝

日暈交相迎三日大雨不雨天下大兵起

日交暈人主左右有爭者兵在外戰日在暈上兵

罷

交暈貫日天下有破軍死將有凶國死主

日交暈而爭者先爭不勝即兩破

交暈抱日候其先滅之處從其處攻之勝

交暈至日者順以戰勝殺將一日日在上者勝

日有氣交赤青如暈狀或如合背或正直交也偏

交也兩氣相交也或相貫穿或相向或相背也交

主內亂軍內不和

日交暈而珥天下有兵起有兵則罷

日交暈如連環為兵起君爭地

日下交暈光芒垂下兵有陰謀通敵殺將

日暈軍營之象周環匝日無厚薄敵與軍齊等厚

長大有勝薄短小無勝漸滅則留者勝在死天子

失御民多叛

日暈而缺者兩軍當隨後擊之兵敗

日暈上下斷絕不相續將軍疾行刑罰在法於軍

日暈不合有氣斜冲謹防冲襲得柄者勝

日暈不合有雲如人在暈中背日者臣反暈合

得去暈不合則脫去

日暈不合有雲如人在暈外似相就者不勝一日

攻城不勝

日暈不合有雲如半從暈外來入暈中有叛臣

日兩旁飛暈不合謀不成

日半暈東向者西夷羌胡來入國半暈西向者東

夷人欲反入國半暈北向者南夷人欲反入國半

暈南向者北夷人欲反入國

日半暈再重國民蕃息歲太和以日宿占分野

日暈如車輪半暈軍在外者罷無軍在外則兵起
日上有半暈如鼎蓋有欲請和親者

日有半暈兩角銳者戰必勝從有處擊無處勝
日其國有謀

日暈而珥王有謀軍在外外軍有悔一曰天下有
丘疾一曰兩軍相當先舉者敗戰則珥所在之方

勝

日暈有左珥兵舉

日暈抱珥上將軍易

兩敵相當日暈兩珥平等俱起兩色同軍勢等色
厚潤澤者賀喜

日暈旁有兩珥珥有抱天子有喜得地

日暈有兩珥反外將欲背叛

日暈中有兩珥將立改立王侯一曰有反者

日暈有四珥其國有胡人或賊臣主大兵也

日暈有四珥而輝紅者其國主一十年內大兵起

日出四珥紅色及黃色暈雨雹民患國憂兵戈起

有天災殃一十年內國亂人民公災大旱有恐暴兵

日暈有六珥抱黃白潤澤內赤外青天子有喜軍
不戰而有來降者色青將喜色赤將兵爭色白將
有喪色黑將死一曰赤抱有降者攻城大勝

日暈有直珥為破軍貫至日為殺將

日暈而珥如井幹者國必有太兵交凡有一珥一
國兵

日暈兩珥如車輪其國兵凶

日暈有四珥芒孛如髮蓬蓬外指者強兵準備來
戰四五日乃罷若如四脚外向者大臣叛國不安

日暈旁有珥外向內有金雞形見者不宜攻戰急
須防備固守

日暈而珥有雲穿之士卒多死

日暈而珥白雲掩映天下有大兵

日暈而兩珥在外有聚雲在內與外不出二日城
圍出戰

日暈兩珥聚雲其中其城圍

日暈兩珥下有黃雲入主有喜期一百二十日

日暈兩珥有立雲貫日出多妖孽有太疫太喪

日暈上有雙珥緣暈中有兩端各外向上御雲
與珥排列者強兵銳意來攻日出擲戰慎勿交兵
日重暈有珥主外軍人馬多災凶更看在何方斷
之

日重暈兩珥有兵爭

日暈三重而珥國有反者

日暈再重有兩珥白虹貫之有大兵大戰橫尸滿
野天子大憂

日暈而珥背左右如人車輞者兵起其國亡城兵

滿野而城復歸

日暈珥兩背瑠在暈外臣叛一曰兩背瑠在暈中
其國戰不勝而有叛臣從中起

日暈有背珥直而有虹貫之者順虹擊之大勝得
地

日暈兩珥瑠在重抱內順抱擊者勝

日暈內有一珥一抱所謂圍城者在內內人勝
日暈有雙珥左右背下抱上重暈如連環者賊人
內反背主向外若有守城池塞上賊人中有下人

心欲背刺主外向軍中人心各異

日暈有四珥四背瑠期六十日臣有兵謀有急事
閉關不行使天下更命

日重疊暈中有兩珥背瑠有叛從中起不成

日暈而有珥且有戴抱其色皆內赤外青光色潤
明者其國有喜

日暈外有珥瑠或暈王日王侯謀逆篡弒其君

日暈而冠天下有立侯主

日暈而冠三重日下有虹長數丈不出其年有反

首有兵饑貴人絕凶後

日暈而冠且纓有喜兩軍相當和解

日暈負且戴國有喜戰從戴所擊者勝得地

日重暈有四負國內亂

日暈而背兵起其分失城背在東東叛西南北如
之

有軍日暈有一背背為逆在日西東軍勝餘倣此

日暈背在暈外將民凶

日有背氣在暈內此為不和分離相去其色青外

赤內節臣受王命有所乏

日暈反背外向平時民叛上有兵兵叛將

日暈上下有兩背無兵兵起有兵兵久

日暈四背在暈內名曰不和有內亂

日暈四背白氣干之其端青赤如與臣謀共為逆

日暈而一背一抱為不和信者更逆而不信

日暈而背且抱得抱者勝

日暈有背在抱後順抱者勝得地

日暈一背一瑤臣有反者出暈則事成

日暈有背瑤抱有虹貫之者順虹擊之大勝得地

日半暈一背瑤臣有邪謀不成

日暈中有兩背兩瑤又有半暈臨日有叛臣中起

不成

日暈有四背瑤其背端盡出暈者反從內起一日

在暈內內臣叛在暈外外臣叛五六背瑤占同

日暈而四背瑤如大車輞者四提設其國衆在外

有反臣

日暈四提必有太將出

有軍日暈有二抱抱為順貫暈內在日西西軍勝
日暈而抱且瑤順抱擊瑤勝

日暈外有二直臣欲自立有一直有一人欲自立
明者成黑色不明者死內赤外青則成內青外赤
不成一曰日暈外有直直而黃氣承之則為立王
一曰日暈外有二直欲自立者不成一曰日暈有
直在兩旁其國有自侯王者封賞其左右
兩軍相當而日暈有直直所在方勝苦戰宜居其
厚而擊其薄

日暈有直氣在旁所臨處主兵勝或青或白或赤
或紅黃色則隨其色以變吉凶

日暈有瑤為不順君臣乖離臣外其心其國兵起
或曰有逃臣兩軍相當得瑤者敗也一曰萬人戰
死其下先舉者敗一曰裂土立王

日重暈中有兩瑤有叛徒兵起不成
日暈四瑤在外之兵悉敗散

日暈有白虹貫暈至日從起所指戰勝破軍殺將
一曰虹起所有反者

日暈有白虹貫日其城不可拔過旬左利

日暈有白虹貫日有戰客勝

日重暈有四五白虹氣從內出外以此圍城主人勝城不拔

日暈有白虹交貫日中而首尾四出者主殺傷兵戈亂動三年後太平

日暈上有半暈而白蛇貫日者君臣失政有叛殺兵災天下大亂

日暈有白氣抱暈左右相對兩軍不戰各謀退

日暈有白氣凌雲有兵在外大戰順氣者勝

日暈有白氣如車蓋臨其上攻城則城降

日暈有青虹從外貫暈順虹戰勝

日暈青雲貫內有圍城

日有青氣暈則光起兵者敗

日暈有赤氣貫日臣弑主赤甚者以兵不其者以藥

日暈三赤氣有謀者不敗

日暈三重兵起赤暈貫之其下失地

日暈有赤雲從中出暈外天下兵起

日暈旁有赤雲兩頭銳其下萬人戰

日暈有赤雲如車輪凹向日為內提內臣叛凸背

日為外提外臣叛

日暈有赤氣如建鼓貫日大旱三年

日暈旁有赤雲如懸鐘其下將死

日暈旁有赤氣如節如旗狀在外亦曰蚩尤之旗兵且內起

日暈有赤氣如戰臨之其下兵起

日暈有赤氣如四豹交日中中國君亡

日暈上有口下有赤氣用兵大捷將帥封侯

日暈黑蛇貫日君主有難大臣謀主兵卒相殺盜賊並起

日暈有黃氣承之不出其年得地

日有紫氣暈攻城軍主損未可攻宜閉壁次日攻之

日暈有五色雲如柝貫日從外入外人勝從內出內人勝無軍在外為兵出入亦為有相謀者

日暈有青黑雲氣來掩日有賊來所營預備之勝
日暈有赤黃霓入日中從虹霓入處大戰兵凶
日有青赤暈而無光有背瑞而在心度中是謂太
盪必有大兵大喪其國有殃

日暈有聚雲在旁黃白吉青白兵行黑白內亂青
赤兵解青黑兵戰流血

日暈赤黑白雲定平常紫黃大勝青暈半殃
日出而暈有虹主人分地日久而暈有虹諸侯分

地

日暈有虹貫暈不至日戰從貫所擊之勝得小將
虹貫出暈外從所出處順虹擊之勝

日暈有二虹貫暈內順虹擊者勝殺將

日暈一重有虹霓穿其日過兩頭出者將軍離營

日暈有二霓抱日軍宜備之

日暈有亂蛇四五相穿貫日君臣相欺叛逆兵起
天下大亂

暈有雲圓如日狀內臣兵有謀友者

日暈有氣如人居暈中不出三日寇入城

日暈有雲如人居暈中向日者忠臣受命勅使還遠使還得王色者有喜不得王色者有憂

日暈有氣如臥人在上其國敗在暈中君憂在暈外臣憂死

日暈中見馬軍敗

日暈有氣如牛居中不出三日寇入城無兵在外防奸客

日暈暈中若外有雲氣如死蛇屬暈大將死不利先舉者

日暈有雲如鳥啄日頭喙在暈中翼張在暈外而又有雲貫其中者敵兵來攻準備有戰

日暈有眾雲如毛羽臨日不去其下國有兵憂

日暈四餘氣如鋒四出者其下凶地

日暈外環列如戈戟四出或五六者防來兵衝殺

必有兩三處交戰

日暈上有氣如蓋兵亂國危歲主凶災

日暈旁有氣如懸鍾將死如節如幢如壞屋所在之方軍散敗

日暈有氣斜射賊兵起亂謀害國君

日暈有氣橫冲兵革興災國有危亂又曰此名為

破軍之將也主流血人民不安

日暈有雲氣如錦又潤澤從外入有文書喜至從

申出天子使以喜事出枯乾不明則有憂事

日暈有雲如樹居暈上兵起客勝一日不出三日

有兵入城中

日暈下有氣如井字國軍得勝多獲輜重如上下

聚寶將叛軍凶

日暈如口字兵有異謀譏逆害將

日暈日形變成稊根大戰降敵高遷祿位

日暈有雲氣垂下國有陰謀兵懷異志

日暈有聚雲不去不出三日兵起

日暈有聚雲從外入不出三日城圍

日暈有雲氣從外入者外兵入從中出者內兵出

圍城而有雲從外貫暈入者外兵戰勝從內貫暈

出者城中兵出戰勝五色同占

日生暈如兩日三軍混亂戰鬪大敗

日暈兩直氣有叛臣

日暈方暈而上下聚二背將敗兵凶

日暈散如花其分國破亡

日暈曲下垂三重向下軍中妖言兵將相惑

日暈如毛而外射主人勝客不勝軍多死疫

日暈如井幹如車輪其國以兵凶

日暈而日中鳥見軍敗將死期二年

日暈從良起主兵勝客兵敗

日暈從震起客兵勝主兵敗

日暈從巽起客兵勝主兵敗

日暈從坎起客兵勝主兵敗 三云攻城軍宜備之

日暈從兌起客兵勝主兵敗

日暈從乾起主兵勝客兵敗

日暈從坤起主兵勝客兵敗

日暈從離起客兵勝主兵敗

日暈角內有陰謀陰國用兵得地又主大水

日暈亢其分大臣凶多雨民饑疫

日暈氏國有憂日下興師

日暈房為兵君臣失政

日暈尾陰國弱將相憂

日暈牛陰國憂兵起

日暈虛民饑齊地兵起

日暈壁風雨大水

日暈奎為兵為火

日暈婁有兵木人多死

日暈胃穀不熟

日暈昴陰國失地北主憂趙地凶又云大饑

日暈畢有邊兵北主憂又云有風雨

日暈觜陰國弱夷狄災暈及三重其下穀不登民

疫

日暈參有來和親者一曰大饑二曰邊將憂

日暈井多風雨有青赤氣在日為寇天子立王侯

日暈鬼其分有兵大臣有誅廢者

日暈柳主兵五穀不成

日暈七星周地君憂青色抱而順在兵為東軍吉

日暈張將相憂及有黃氣抱日功臣効忠

日暈翼士卒逃散上有抱氣三敵心欲和

日暈軫生背氣其下兵起城拔視背所向擊之勝

日之變

日月星辰俱現主國主易青黃白不定王侯大臣
作亂兵起大凶

日月與星並見大國弱小國強若星月有光而日
無光則大國凶

日月並行陰僭其陽奸邪專權欲行弑辱

日月並出主兩國相爭有暈者兵戰不合則庚子

日吉

日月並照中國有兩主一曰后妃專政有殺逆夷
狄內侵天下兵起又曰君臣爭明天下大饑

日月並明相去數寸若一尺臣滅君一曰君為臣
臣為君民相殘又曰大國弱小國強歲大凶一曰

日月並明去一寸者臣大亂

日月並晝見兵起大逆

日月並夜見明天下大亂分裂

日入月中不出九十日大兵起易法令鐵貴二倍

人主死，朔日日色赤紫是也。

日中月見，有死主。

日下月生，兵起。天下更令大將死。

一日掩，一日有篡臣。

黑日掩日，夷狄侵中國。君去位，掩不盡則復位，盡

則絕世。

一日見，旬兵爭為帝。十日外又見二日也二日則三旬以

十日為旬。

兩日並出，天下用兵無道者，以一日無道之臣舉

兵而凶，又曰兩日並出，天下爭王，視其所存之方

先滅者凶，又曰假主抗衡，兩主並爭，又曰兩主立

地陷有大水。

兩日相闔，其下國亂。

二日相吞，天下大亂。

天晦雲隔，二日相執，相吞主，國家離亂，兵起未止。

三日並出，諸侯爭為帝，又曰天下三分，又曰不可

行兵。

四日並見，君主失位。

黑白五日對相合，夷狄來，華視日出之時。

數日相鬪，陰陽混雜，天下無主，大亂兵起。

兩軍相當，數日並出，若鬪，天下有大戰，拔城各以

分野言之。

數日相掩，天下大亂，廢王分土。

衆日並出，天下分裂，各設法，行行所不。

日當出，不出，當入，不入，君主失道，濫刑喪國。

日已出，復入，天雲皆赤黃色，其名曰日空，其下必

有殺民而去者。

日合生，未生，西沒，又明朗，不出，一年國亂，一日日

下却，上國大亂。

日再出，再沒，國亡，君死，兵起，主降於臣，天下亡。

日夜出，主兵起，若不戰之，則生謀，篡一日洪水流

行，君不祥，社稷亡，一日主南方將兵伐，三年方定。

夜露日光，陰氣不密，陰謀侵上，殺奪難成。

日出非其所，政令不行，天子失國。

日隕於地，奸臣后妃擅權，陰謀廢黜天子，又曰天

下分裂，天子國亡。

日闕有五色雲似珥或逆行隊相逐陵太陽王者失國天下兵爭兩軍相當急分營防備

黑柱分日陰侵陽也日以正南為正立橫柱東西分豎柱南北分土地分坼

日中分其國一曰天下分或曰日分有一有從

王叛民一曰日裂君死臣爭一曰所舍國亡又曰

日中分為二國王死中分而有烏君爭主死又曰

主國喪滅兵革起有殺怖之事

日光相盪陰陽不和奸邪反逆更置國命一曰天

下易主

日中烏出在外天下大亂哭聲沸天

日中烏見扶輪主天下變亂凶災

日中烏見主大明政亂其分國有白衣之會有大

旱一曰王者憂之一曰旌旗動將軍出若出軍遇

之兵敗將死一曰其下國分

三足鳥見其地受殃出軍軍敗一曰主天皇

日中有如人行者君慎左右

日中有如人行者臣叛一曰兩主立日中有如

入黑績黑衣杖刀而立人主失位

日有一黃人守日主外國人來降

日中雙雞鬪天下旱荒火災

日有白足主破國一曰有破軍死將占曰白足者

日影屬地色純白也

日生赤足有舉兵者又曰國有謀友

日兩足庶權起

日生齒兩敵相當必有伏兵

日生齒足者有反兵

日垂瓜兵起

日生牙其下有賊臣欲相殘害

日上有眉者主三十日內兵亂二年方定

日生角不出二年大兵起多雨四角不出二年兵

起六角君亡國亂

日生芒角主人兵不利臣謀主不出三日

日上有黃芒得正色君有福不得正色死囚色君

有憂占曰日上出黃芒天下攻戰日垂芒有戰

日上芒如舉火君大昌

日生彗五色君有大福天下大穰

日闇黃霧四塞不及三年下有拔城大戰

日氣如虹中天而至地其下大兵起

日影如蛇敗國凶家

日輪缺有萬人死其下不利先起者

夏日如冬陽氣衰弱夷狄作亂寇賊起兵

冬日如夏陰氣衰弱蠻夷入寇奸謀生變

武備志卷一百五十

武備志卷一百五十一

防風芟元儀轉

占度載

占四

占日三

日之色

天氣下降地氣未升厚則日紫薄則日赤若於夜則月白皆將雨也天氣未降地氣上升厚則日黃薄則日白若於夜則月赤將旱且風亦為日月暈

之候雨少而多陰天氣已降地氣又升上下未交
則日青若於夜則月綠色將寒候也或天地氣雖
交而未密則日黑若於夜則月青將雨不雨變為
雩霧暈背虹霓

日華五彩天下和平

日色白西風成旋陰陽氣亂陰謀兵起又曰有公
諸侯兩軍相當則其分軍敗將死一曰四夷動一
曰為旱為喪

日白體動而寒天子親伐茲謂不和

日色慘白凄風成旋有殺戮事攻城則城中有反
者城為所屠

日赤如赭大將軍野戰一曰主兵急

日赤如血君憂臣背災癘盜賊並起

日赤如火血大臣並亂天旱

日光四散赤如血流照地皆赤君道失明又曰賊
入宮以急兵見伐又曰臣逆君

日赤如炭火主急兵

日青色或如火光國有災

日色變黑天子臨危命在四方

日有黑光多死兵不出六十日有大水傷五穀其所見之國貴十倍

白日黑暗天下兵起大亂

日色黃有白雲紅氣宜收兵謹備

日色變黃濁色黑光搖動國有暴怒之令主災

日色黃赤有災疫白色多死

日色有碧陰氣重盛東夷亂臣下叛

日有青黃白不定王侯大臣作亂兵起

日色或黑或青或白或黃師破

日失色國不昌

日變色有軍軍破無軍喪侯王

天氣清淨無游氣日月不明為失色主災游氣蔽

天日月失色風雨之候

日白色無光月內少雨主旱

日赤色無光天下血流成河國亂軍憂赤如血為

旱烟雲體黑籠罩映日之光而成赤

日青色無光主勢奪

日紫色無光草寇兵起一日夷狄內侵

日青赤無光或黑綠或如炭色在二月四夷來侵

五月南夷為亂八月有謀殺主者十月人主失國

蛇行人道十一月後九十月天雨赭塵來年十一月

月狂矢出天下兵起十二月四夷來侵應在九十月

日無光有死王又日日無雲日光不見如此三日

有大喪有滅國一日羣盜起

日暗無光天雲盡赤二十日有兵君亡五十日兵

大起人流亡九十日社稷亡一百二十日國為墟

日有黑雲連而無光城中有軍突出宜守之吉

日光昏暗紅色霧結濃陰有大風雨大熱若無風

雨大熱主我軍勝

日濛濛無光士卒內亂將軍宜循法度察有功以

自明及有兵內發嚴刑而伺姦人者勝

日盡無光王者絕世

日暗無光陽道衰微君信讒邪陰謀憂喪

日暗無光夷狄入主中國

占度戰 占 占 占 占

沉陰日月無光晝不見日，夜不見星，有雲障之，兩敵相當，陰相圖議。

日出東方，一等停停無光，日日病，未入西方，停停無光，日日死，日病，日死，王侯災，一日有風雨，不雨，邊亂國危。

日至辰時無光，天下大亂。

日無光，中有物，或青，或赤，或黃，或黑，如爪踴躍，世主絕命。

日五日無光，滄海變桑田。

晝晦，臣制君，見星，國亡。

日晝昏，行人無影，到暮不止，上刑急，下不聊生，不出一年，兵亂有，大水，又曰日晝昏，臣叛君。

日昏，失色，行人無影，鳥鳴，主將軍出，旌旗舉，白衣會，妖寇至。

日久，時忽有赤光，燭地，行人有形，名反，照必有，友者。

日色若暗，軍守其疆，日色濛濛，先輸後疆，日色皎皎，半青半黃，賊兵欲至，奪我旗鎗，日色渾渾，四畔。

鮮明我軍捷勝大戰尸僵日色大黃或暗或光氣
黑遍野流血成塘日光閃閃上將受降日出明朝
行軍大冒

日中有黑子黑氣黑雲乍乍二乍五臣廢其主一日
黑者陰也臣不掩君惡念下見百姓惡君則有此
變

日生黑異或黑鷹黑子黑暈或變王字或變怪形
或變人像人頭禽獸主小人君昏昧奸臣專權陰謀
篡弒

日中有黑氣乍青乍黑乍黃乍赤二三五五多至
數十圍繞日四旁天下謀叛

日中有黑氣如瓜形有兵起

日中有黑氣關天下有大兵相攻戰其分有叛城
不出二年大饑

黑物在日中如飛燕人主廢黜

四月日變黑陰盛於陽奸臣擅政陰謀作亂

十月日變黑陽不勝陰君志昏迷讒邪謀叛

日旁有黑氣磨邊國易主兩軍相當大將死其下

日中有火光氣見其國君左右大臣有反者

日之氣

五色氣如虹貫日主白衣會其下謀亂赤氣則其殃甚

白虹貫日陰陽犯也女后專權陰謀殺奪一曰近臣為亂不則諸侯有反者一曰主五十年內兵起於秦地一曰主十年內國有兵亂三年方定一曰主殺戮一曰君亡臣代興
白虹仰日臣有背主無德者凶

白雲虹貫日主仇人入境更以大兵起也

白霞貫日謀逆弑奪

氣如白虹貫日合戰殺賊白雲接應即吉主有上將來歸

白氣貫日軍在外將死無軍人主當之

白氣交錯貫日而過軍不和失律

日下有白氣如懸弓大亂兵起一道一亂以數占之

日下有白雲交叉如刀夾日而刃向下者半凶

日下有白氣如揭旗幟天子有喜其分君亦喜

日旁當中白氣東南起連卯酉者主君升遷

白氣自上下冲日君憂

白氣圍日以城

白雲廣二尺在日左右其下兵起國憂

白雲三方環日脚下垂而上空明者大敗

日出時有黑雲如蓋四邊垂者三日後多風雨不

雨陰謀主將

日兩旁有黑雲為伏兵在路慮後戰之大吉

黑雲湧日軍大敗

黃蜺貫日天下大喜一日主交爭

氣如黃蛇貫日有交兵

日旁有黃雲氣掩日所照皆黃主亂兵起夷狄大

入中國

黃雲擁日必大勝

黃雲夾擁日旁者大勝

黃氣抱日鄰國臣佐來降

日旁雲氣色黃潤皆為吉祥

紫蜺貫日明君出世

日旁突出大山紫氣盤旋而下散者敵不敢

青虹貫日天下兵亂人民多疾丁年災

青現貫日天下不安血流成河

氣如青蛇貫日有陰謀主疾疫

青雲挾日其分野臣下有謀

青氣連日陽道不測寇賊起兵圍於城下主有交

戰

青氣三道貫中國有讒人將軍失位

青氣疾來縱橫且有奸人入城中

日有青氣在上下者吉可出軍

日有青氣貫日者主臣謀君兵起于秦地

兩軍相近日邊生青氣如半月者速進軍必勝

日有青氣如十字貫日中央大禍將來先露北奸

凶懷根作妖祥一日不出五十日東狄犯中國君

出走大亂三年

日旁青氣散如飛變作雁行者小國賊臣反

日下青氣如鳥敵人相謀宜急設備

占度職 占日

日旁青氣如兩鳥人主憂大兵暴起

日上下有青氣可以出軍戰必勝

黑虹貫日兵亂大起國主憂危一日臣謀逆有軍

在外客將死

黑蜺貫日五穀不熟百事皆凶

黑氣如龍承日旁及如人臥背日旁者下有叛臣

日上下有黑氣如蛟龍者主風雨敵人相謀宜急

設備

氣如黑蛇貫日主雨水一日有反者

黑雲如狸皮掩日軍不和有屠城

日始出有黑雲貫之或一或二或三不出三日不有

暴雨則有害王者

日出有黑雲如隔其下有兵遇雨即解

日四邊有黑氣如雲攻城未克

赤氣如牛守日其下有兵戰如馬守日苦戰有兵

傷

日伴有赤雲如虎形二日內王命至有賊自來降

吉

赤雲如鳥夾日而飛其分野憂一日其國君以
雲如赤鳥喙日主兵起

赤雲如雞雉在日上不出三月其分野有兵喪
日下有赤雲交叉如刀夾日而刀向下者大凶
日下有赤氣如鋒刀在兩旁破軍殺將人主受其
殃

日旁赤氣如懸鐘如臥人者邊將死

日旁氣如杵赤而明不宜出軍

日旁有赤雲曲如車輪其下有兵亾也一日臣

其主

赤氣如布席掩日為大戰

日旁有赤氣如木無葉者兵起客勝

日旁赤雲如衆樹有兵起客勝

赤雲如掃夾日者不宜先舉兵

日上赤氣客將死

日有赤氣圍繞不出三日大雨不則大臣叛

日中有赤雲一道穿過主人民流散兵戈起民逃

亾矣

日邊赤氣三重天下兵起

日旁有赤雲相交其下有兵不宜先舉

日旁有赤雲向日不出三年其下有立者

日旁有赤雲兩端鏡其下不宜先舉兵

赤雲三方環日脚下垂而上空明者大勝

赤雲扶日其下兵起失地

赤雲掩日其下大戰以地

日入時天雲盡赤太旱兵起久旱而有赤雲遍天

照映山谷則來日有雨

赤氣臨日出君有憂隨日沒外告急

赤色貫日為破軍星兩國相殺

日上下或青或赤曲向外反背其外有臣叛君守

邊之將主有二心

青黃氣如蛇纏日兵亂謀弑

青赤氣如虹與日俱出所臨國大有憂

日下有雲如青赤馬主敵人相謀須先有備左無

患

日下有黃黑雲如刀交叉夾日而刀向上者大凶

勿出兵

日邊黃紫雲如魚鱗起不設行至我營上者軍必勝行敵營上勿攻戰

日中赤黃氣入日中從虹霓處大戰殺將

日邊有雲氣白黃將吉青黑氣將返歸

日旁有雲氣冲天青黑不利黃白紫軍勝

青赤黃氣如虹在日旁屈曲如車輪或二或三或五

六此天之殺氣也名曰天殃其國兵旱疾疫俱起

赤白青黃氣刺日其分野有兵

日四方五色雲皆新見其下國有謀臣不安主

日旁有雲氣相交穿貫于日將不和有破軍者

日旁格氣橫在上下心腹之憂

有氣在日旁去疾者軍無功停半日者小勝終日

者大勝

日下有雲氣如死虹其分太疫太饑

日中有雲如人狀其下有叛臣

日下有氣如人所持者其下臣叛一日兵叛

日下有氣如人垂衣天子之氣

武精志卷之五十一 占日三

日旁雲氣如臥人有死將

日旁氣如人頭如旗旌內懸鐘皆為兵起流血

日旁雲氣如兩手在其側更有金星出現者后妃

作孽生亂帝受其殃

日旁氣如舉手或作帚形若居兩手間者君失其

位

日旁有雲氣如獸向日開口臣弑其君棄國而走

日下有雲如虎蹲者大敗

四時王日有雲氣如虎守中以五色占克其時令

者臣下不利于君

日下漠漠氣如車馬馳走之狀其下有破軍一曰

日下有氣漠漠如車馬鳥蛇或如人披甲而走或

如虎躡皆為大將反

日旁分八字下有氣如麋鹿成隊而走軍敗將凶

日旁氣如兩馬向日人主以暴虐遭禍

日旁有氣如牛鬪又有如人無首在旁者宗社必

危

日旁雲氣如蛇如馬中青有反者

日旁有氣如蛇其下有賊兵一曰有交兵

日旁有氣如雙雞主國大旱人民荒歉國亂人凶
累歲災生

日旁氣如鼠在樹枝間又有頭必出洪水急宜移
營高阜

日旁氣如一樹根蒂橫出國君自經
日旁氣如幕如花相連不斷后宮內亂

日旁氣如剪刀更有散花如桃李者王失政后妃
專權

日旁雲氣大如席萬人戰一曰兵衆戰死

日旁氣如壁形其形圓如暈者臣下謀反
日旁雲氣散張如死烟火星迸者宜堅守勿動

日上下四旁有雲氣如博局小臣謀主期一年
日下有亂雲如承跌兩重上如一曰者攻戰殺傷

若一輪貫日爲主勝客
日下有雲氣如布幅大長侵日若色白是殺氣防

有戰在我營勝
日下有雲如刀劍三五成列刃向抵且者大凶急

式精志卷三十五 占度戰 占日三

移營防備刃向下者凶勿戰

日下有氣如弓如箭外向軍出威勇

日邊有氣如斧鉞君憂一日君無禮受殃

日邊有雲氣如錐刺印君死於賊

日邊有雲氣如杵長七八尺及杖撞日臣犯上入

之其國主死赤以兵

日將落有雲如樹枝不過三日兵敗禳之可免

日將落有雲生脚下垂二日內有風雨無則主兵

災

日兩旁雲夾擁而脚一上一下者先凶後吉
雲三方夾日而脚亂竄者交戰凶
日上下連左旁三段雲擁百戰百勝如黑雲相侵
則有大敗

日之星

旦星盡見人主失國

日出時有一星與日爭光主陰謀事夷狄兵起

日當午有星在日下妃妾謀弒其君

日當午二星夾日下人謀上奸臣在內後官闕官

占日

謀反又曰將軍與內臣合謀四星環繞之侯王奪主國五星繞之太子為不利又曰天子不能制下則星與日並出

九曜簇擁日邊如火如燈者九州大亂

妖星與日並出名曰婦人星與日爭光夫弱婦強女子為王為喪為兵

日四角有彗星主吳地兵起三年方定

日下有彗星傷日者主君憂二十日大臣謀位刀兵亂起九年方定

日旁有星光或太白經天主國危無日有星回國

日上下有星小臣謀逆

日左右有星在其旁侍臣圖弒將軍同謀

三星在日上際臣欲弒君

四星在日四旁侯欲為王

日在三台內變謀君

日在斗中大將欲衰

日在半宿國內有虛驚兵起

日在氏宿兵亂外憂

日在天獄中三府兵起又曰主君被北方將謀位
五十日內兵起三年方定

武備志卷一百五十一

天主國或應日或星同

